

Dumonda Schwärzel concernent structuras favuraivlas per famiglias en l'administraziun chantunala

L'administraziun chantunala dovra persunal qualifitgà. Per persunas giuvnas qualifitgadas è da gronda impurtanza – ultra d'autras chaussas – oravant tut la cumpatibilitad da la professiun cun la famiglia.

Il chantun s'engascha per concepir la situaziun da lavur en la professiuntala uschia ch'ella è favuraivla per famiglias: il post da stab per l'egualitad da las schanzas ha realisà e realisescha en differentas regiuns dal chantun il project «Structuras favuraivlas per famiglias en il Grischun - cumpatibilitad da la professiun cun la famiglia/cun la vita privata en la pratica d'interpresas pitschnas e mesaunas».

Las sutsegnadras ed ils sutsegnaders fan las suandantas dumondas en chaussa:

1. Survegnan cundiziuns da lavur favuraivlas per famiglias en l'administraziun chantunala in'attenziun speziala da vart da la regenza e nua pudess quai vegnir percepi?
2. Sche gea: Tge mesiras concretas per meglierar las structuras favuraivlas per famiglias en connex cun las cundiziuns da lavur vegnan applitgadas u èn planisadas?
3. Fiss in project sco quel dal post da stab per l'egualitad da las schanzas per interpresas pitschnas e mesaunas (IPM) er interessant per l'administraziun?

Cuira, ils 24 d'october 2018

Schwärzel, Stiffler, Schneider, Atanes, Baselgia-Brunner, Berther, Bigliel, Brunold, Cahenzli-Philipp, Cantieni, Cavegn, Censi, Crameri, Degiacomi, Deplazes (Cuira), Deplazes (Rabius), Derungs, Epp, Felix, Florin-Caluori, Gasser, Geisseler, Hartmann-Conrad, Hefti, Hitz-Rusch, Hofmann, Holzinger-Loretz, Horrer, Kuoni, Locher Benguerel, Maissen, Märchy-Caduff, Müller (Favugn), Noi-Togni, Papa, Paterlini, Perl, Pfäffli, Preisig, Rettich, Ruckstuhl, Rutishauser, Thomann-Frank, Thür-Suter, Tomaschett-Berther (Trun), Ulber, von Ballmoos, Wellig, Widmer (Favugn), Wieland, Wilhelm, Zanetti (Sent), Bürgi-Büchel, Spadarotto